

XV

¡O arbol santu maitagarria,
zaude igar ta itsusi!
¿ez alzindezke berriz len bezin
berde ta eder ikusi?
on gaien billa asten bazera
ez naiz ni joango igasi,
zure oñean nai det azkendu
zú gabe ezdet nai bizi.

XVI.

Ezin emandet kanta geiako
negarrez busti det lira,
arbola gatik senti ditudan
penak chit aundiak dira;
biotzetikan kantatu ditut
Jaungoikoari begira,
arren entzun da ditzan zerutik
kontubak lenera jira.

EUSKALDUN BAT.

ECHENDEA.¹**AMALAUDUNA.**

(ON ASZENSIO URAIN-GO JAUNARI)

Munduko neke danen gozagarriya,
Negar-malko guzyien chukatzallea,
Zuk arintzen dakizu gure larriya,
Zuk gozatutzen degun atsekabea
Zera miñdunarentzat dendagarriya,
Tristetuarentzako poz-emallea:
Illunik daudenentzat argikariya,
Penatu guzyientzat eder, maitea.
¡Echende zerukoia zorionduna!
Gizón estutasunak azpiratua,
Doakabez josiya, naigabeduna,
Berotasun gozoak, chorí oztúa
Poztutzen duen eran, pozten dezuna,
¡Izandu zaite beti bedeinkatua!

KARMELO ECHEGARAY-KOAK.

(1) Esperanza.